

Athikele ya ID 18612

Karolo: Athikele ya Patlisiso

Bana ba Taung: Go itsege mo lefatsheng lotlhe ga bana ba ba tswang kwa motselelegaeng: Maikutlo a baagi mo tikologong le pono ya bone ka tlhabololo ya lefelo le masaledi a bonweng kwa go lone le polokelo ya logata

Tshobokanyo:

Masaledi a a tlhomologileng a logata lwa kwa Taung a itsege thata ka ntlha ya botlhokwa jo bogolo jwa one jwa go nna thibololo ya ntlha ya Aforika ya boithuta-marope le boithuta-masaledi a setho a a tsamaisanang le bonetetsi jwa lefatshe lotlhe. Dintlha tse di amanang le thibololo ya one le boemo jwa one jwa ga jaanong di sa ntse di sa itsiwe ke baagi ba motse wa Taung. Go somarelwa ka botlalo ga lefelo le masaledi a bonweng kwa go lone, le le feditseng dingwaga di le 25 tse di fetileng le le mo lenaaneng la mafelo a boswa a setso a UNESCO, a boleng jo bo kwa godimo mo dinageng tsotlhe dingwaga, go santse go tshwanelwa ke gore go wediwe, e bile go galefesitse baagi mo tikologong. Go tlhoka tirisanommogo go go bonalang sentle fa gare ga bathati ba botsamaisi le ditheo tsa thuto go bonala e le gone go bakang go tsamaya ga dilo ka bonya jaana malebana le patlisiso e e tsweleng pele le go tshwara metlotlo le go nna le seabe ga baagi kwa lefelong la masaledi ano. Tokomane eno e tla tshwara motlotlo ka boemo jwa ga jaanong jaana jwa lefelo le masaledi a bonweng kwa go lone le tlhabololo e e tsweleng pele ya lone mmogo le go tlhabela kitso ga baagi botlhe ba kwa Taung le go sa ba akaretse mo lefelong le masaledi a bonweng kwa go lone.

Botlhokwa jwa tshobokanyo eno:

Re leba thibololo ya logata lwa kwa Taung go ya ka pono ya bana-le-seabe botlhe ba lefelo le masaledi a bonweng kwa go lone. Go ribololwa ga logata lwa kwa Taung ke gone go tsositseng kgang ka tlholego ya batho, mme e ne ya fetsa masomesome a dingwaga e le kgang ya moruthutha. Ga e a ka yatlotlheletsa botshelo jwa letsatsi le letsatsi jwa jwa baagi ba kwa Taung ka gope; mme e ne ya sala e le masaitsiweng mo go bone, e le kgang e e sa tlhologanngweng ke batho ba bantsi. Tokomane eno e bua ka dikamano tse di raraaneng fa gare ga bana-le-seabe, dikgwetlho kwa lefelong le masaledi a bonweng kwa go lone mmogo le dikeletso tsa batho ba Taung ka logata lono.

Mafoko a konokono: Logata lwa kwa Taung, baagi ba kwa Taung, maemo a loago le ikonomi, go nna le seabe ga baagi, tshomarelo ya boswa, boswa jwa setso